



АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 7 (79) июль 2008-шин / Кказит буккайссар зуруй цал / ражаб 1429-шин. Багъа 15 къ.

МУБАРАКССА БАРЗРУ

Шаъбан барз

МухІаммад Идавс ﷺ тий ивкІун ур: «Шаъбан зурул хъуншиву вайми зурдардияр мукуннассар, ттул хъуншиву кунна вайми идавстураяр. Рамазан зурул хъуншиву мукуннассар Аллагънал хъуншиву кунна КІанал ляхъан дурминнуяр».

Шаъбан зуруй булла- лисса ххуймур чІяву шайс- сар арулцІалилла ва бахчу бакъа гъаз шайссар ссаврун- найн. МухІаммадлул ﷺ зума дугъайсса диркІун дур щалва Шаъбан зуруй. Щалва зуруй зума дугъан къабюхълахъи-

манан бучІиссар шанна зума дугъан зурул байбихъулий, ялагу шанна зума дугъан зурул дянив - 13, 14, 15 - гъантрай ва шанна зума дугъан зурул ахирданий.

МухІаммадлул ﷺ учайсса бивкІун бур: «Шаъбан тІисса махъ хъуссар "ташаъбан" - ппив шаву тІисса мукъя. Ва зуруй ппив байссар хъинмур».

Аллагънаягу нигъа увсуну, цуманал хъун буврив Шаъбан барз, Аллагънал багъишла байссар мунал бунагъру ва уруччайссар оьмунія щаллус- са шинай.

Шаъбан зуруй чІяруну дуккайссар Идавсин ﷺ ссалават: "Аллагъумма салли аьла МухІаммадин ва аьла али МухІаммадин ва саллим".

Шаъбан - зуруву дуссар бусурманнан хъинну ххирасса



хъхъу - Бараат. Гъашину му хъхъу дагълай дур 15 - чинмур августрая 16 чинмур августрайн. "Бараат" тІисса мукъ- ул мяъна укунссар: "хІала къа- баву", "щаллуну личІий баву". Ва хъхъуну оьккисса аьмал- лу бусса, оьккисса давуртту дурсса инсантал личІий байс- сар, арх байссар Алжаннуя. Аллагъналва Идавсил ﷺ ххуллу бувгъуми, хъинмур буллалими буруччайссар Дужжагърая. Ва

хъхъуну багъишла байсса бур чІявусса бунагъру. Багъишла къабайсса бур бунагъру: дин къадиртуминнал, цайминнай дакІру мяшса инсантурал, бухътанну бихълахъиминнал, хІантту хІачІлачІиминнал, гъан- миннащал ххавххуминнал, нитти-буттал хІурмат къабул- лалиминнал, зуна буллали- миннал, пахру буллалимин- нал, питна (смута) дуллали- миннал.

Бараатрал хъхъу хъун дайс- сар дуаьртту дуклай, Аллагъ дакІнин утлай. Миннат къа- мул байссар, шинал мутталий литІунминнава вила цІа лиххан дайссар.

Ва хъхъуну буккайссар шамийла сура "Ясин": цал- чин буклакини нийят дайссар оьрму лахъи ба тІисса; кІилчин буккайссар уручча тий ялун нанисса оьсса балардая; шамилчин буккайссар неъ- мат була, хъинбала бува тий. Гъарца "Ясин" бувккутари дуаьгу дувайссар.

Къамул даннав Аллагъу Тааьланал зу дургъусса зумар- ду ва зул дуаьртту. Амин!

Ва номерданий:

2 АРАБ МАЗ ВА ТАРИХ

Бусурманнал цІарду



5 ИДАВСТУРАЛ ТАРИХ

МухІаммад Идавсил * оьрмулиясса суаллу



6 ИСЛАМ ВА МЯЪРИПАТ

Адам ва ХІава



7 БУККИЯРА ОЬРЧИАХЪ

Киса



МИЗИТИРТАЛ ТАРИХРУ

Гъази-Гъумучиял Хъун мизит

Къ. КЪУРБАНОВ

Дагъусттаннал зумакъирагъирттайн ислам дларсун букІлай байбивхъун бур, Ибн Касирдул чивчумунин бувну, «муъминтурал амир» Оьмар ибн Хаттаблуд (кІилчинма халиф 634-644 ш.ш) заманнай, хІижралул 22 шинал (642-643 ш.ш).



Цайми хІуччардайн бувну, ХІусманибнАффанул(шамул- чинма халиф, 644-656 ш.ш) заманнай (вай кІиннаятувагу Аллагъ рязийну личІаннав), хІижралул 32 шинал (652-653 ш.ш.). Муния махъ чІярусса талатавуртту дан багъну бур аьрабнан хъинну гужсса хазарнащал, >>4-5

ЩАЙХТУРАЛ АЬПАЛУН

Гъазанищливсса мавлид

Сабина МУРТАЗАЛИЕВА

Июнь зурул 22-ний гъентнил бигъалагай къини Буйнакскаллал райондалийсса Ялуvmур Гъазанищлив хъунни щала Дагъусттанная динчитал бавтІсса мавлид. Му мавлид хъунни хъунасса щайх Сапуллагъ-къади Башларовлуд (къ. с.) зияратрачІа. >>2



Ассалам-фото

ЦИУССА ХАВАРДУ

Ислам гъаз дуллалисса программа

Москавлив цлакь дурссар исламрал культуралуцун кабакь буллалисса Фондрал ва кӀулшиву дулаврил, элмуллул ва культуралул иширтталсса буллалисса Исламрал организациялул уртакъну барт дигъинтисса давурттал программа.

«Интерфакс-религия» тисса агентствалул баян баврийн буну, му программа барт дигъинтиссар гъашину ва ялунчил, программалул бюджету бусса бур бачи миллион доллардал. Ми арцу харж дувантий бусса бур аьрасатнал элмийсса вузирдал студентьтуран стипендиярду, грантру дулан, элмийсса давурттан, оьрус мазрай Исламраясса луттирду ита бакъаврин, таржума баврин.

Му бакъассагу, клирагу идаралул пикри-хиял бур исламрал темалуцун дархӀусса цацлусса семинарду дуван.

Великобританиянал паччахӀ-щарссаний (Елизавета II) аьй дуллай

Ихтиярду дуруччай идара ДЕВАММ унгу-унгуну сукку хьунни Великобританиянал паччахӀ-щарсса, Килчинмур Елизаветал исламрал дуняллий къаххуйчулий цӀаларгсса чичун, Салман Рушдин рыцарнал орден дулаврия къарязийну.

«Британиянал паччахӀ-щарссаний С. Рушдин рыцарнал орден дулаву – му исламрал хӀурмат бакъашивур, дуняллийцири цивилизациярду, динну маслихӀатрай щурущаврин къарзийсса шари», – тий баян бунни ДЕВАММ-рал.

Личи-личисса диндалул агьулданул дянив рутанмур буллалисса тӀуллая махӀаллий хьананссар дянив цӀу рутан ччими ва Великобританиянал граждан организациярдалгу кӀа тӀулгу дащуй дирхьуну, исламрал хӀурмат тӀалав булланхьуви, – тий бур ДЕВАММ-рал заявлениялуву.

Палестиннан Британиянал хӀукумат судрайн кӀункӀу дан дакӀний бур

«Жула ватан – жагьилтурани ва хьхьичунмай хьит тӀутӀавринни» тисса палестиннал организациялул баян бунни «Бальфурдал декларациялухлу» британнал хӀукумат судрахьхун дулуншиврул ва минна компенсация тӀалав баншиврул миллионнайсса инсантурая къулбасру датӀлай бушиву.

«Жула ватан» идаралул вакил Али Убейдатлул баян бунни палестиннал жагьилтал унгу-унгуну сукку хьуну бушиву цала агьалинан заралну дарцусса му декларациялухлу британиянал хӀукуматран бакъай бан ва му танмихӀрайн кӀункӀу дувансса хӀучарду цакьсса бушиву.

АБРАБ МАЗ ВА ТАРИХ

Бусурманнал цӀарду

Атлагь тий ур: Тун нач хьунссар гужсса танмихӀ буван Аттула яла ххирама Идавсил Ӏ ца дирзусса лагънан.

Цамур хаваргу бур; танмихӀ кьукъай кьини, хьхьичӀва-хьхьичӀ оьвтӀий бачинтӀиссар бусурманнал цӀарду дусса халкъуннайн. КъакӀулсса акъахьунссар инсаннан хьинсса цӀа дизаву ххуйшиву, тай цӀардаха, цӀардал залуннаха лавхьхьуну оьрму бутаван.

Амма аьлимтал тий бур, агарда инсан багъайсса къяйдалил лагъшиву къадуларча, Аллагьнал мунал цӀаличи дайссар, тий. Циксса бур МухӀаммад тисса ххаллилсса цӀа думи, Магахьайн, Мошкахьайн, МахӀаммахьайн м. ц. кӀура бавну. Мунияту дизази зула оьрчӀаран ва душаран АллагьначӀан гьансса, Мунан ххирасса, Аллагьная багъайсса куццуй тӀааьт буллай оьрму гьан буминнал цӀарду. Дирзусса цӀардугу багъайсса куццуй, махраж зия къабуну тӀуттира. Ми зула оьрчӀарангу,

Аллагьнал къатӀ буну мунал аьралгу, цувагу харж увссар. Намрудри Ибрагьимлуьгу, инсантурайгу зулму буллай, цайна сужда дуллал буллай ивкӀссар. Махьа-махьгу Аллагьнай ай излай, дяьви баян буллай авчуссар, Мунияту махь Аллагьнал булуну лахьисса оьрмугу, дуллуссар оьккину бакӀ цӀуцӀаврил азаргу, бакӀрайх кьутӀа тӀутиний дакъа рахӀат къашайсса.

Абдулмаанат тисса цӀарив аьраб мазрал таржума дарча хьанайссар «Манаплул лагь». Манап тисса къанч



Ассалам-фото

дирзусса цӀардаха лавхьхьуну къуццу тӀун лахьхьин бувара. Цан чирча жула цӀардаха ацӀа бутӀул ца бутӀлукссавагу лавхьхьуну жува бивкӀссания, дунял ва даражалийн къадиянтӀиссия.

Аллагьнан ххирасса цӀардавахьанай дур «Аьбд» тисси мархха ва цания-ца Аллагьнал цӀанивацца цӀагу хӀаласса цӀарду. Масалттаран, Аьбдулагь, Аьбдурашид, Аьбдулкадир м. ц. Ялагу ххирассар Идавсил Ӏ нитти – буттал, оьрчӀал, душарал, кулпатирттал, асхӀабтурал, хьунисса аьлимтурал, валитурал цӀарду. Личину гьалгьа бан багълай бур Идавсил цӀардая. Цан чирча ми цӀарду дирзусса инсаннаха багъайсса куццуй хӀурмат бикӀан аьркинссар. Ссибизун ургаву, гьужум баву къахьинссар, ялун увхний изангума хьинссар. Мугу му инсан хьуншиврул бакъарча, мунан цӀа дирзусса Идавсил хьуншиврулли, муначӀансса хӀурматрalli.

Ялагу, цӀанасса чӀумуй хьуна дакъай ца-ца бусурманнан лайкъ дакъасса цӀарду: Рустам, Намруд, Аьбдулмаанат, Сарикьат, Аьбдулагь.

Рустам тисса парснал хьунама Къяба ххит бан къастирай Маккалийн цала аьралуннацал увкӀун ивкӀссар,

бивкӀссар, Ислам Аллагьнал Маккалийн дяин дуваннин, къурайштурал тӀааьт буллай бивкӀсса.

Сарикьат тисса цӀа таржума дарча «Кьок бай хьамитайпа» хьанакьиссар. Аьвдулагь тисса цӀа (Аллагьнал лагь) зия дурсса цӀари, таржума дарча – Аллагьнал душман хьанакьиссар. Мунияту личӀлулну, пикри буну дурчӀин аьркинни жура дизлазисса цӀарду. Шикку чичинну цаппара дизан хьинсса цӀарду. Идавсил цӀарду диркӀссар ххюра: МухӀаммад, АхӀмад, МахӀи, ХӀашир, Аькьиб. Буттал цӀа: Аьбдулагь, ниттил Аминат. Кулпатирттал цӀардава: Ххадиджат, Савдат, Аьишат, ХӀапсат, Умму ХӀабибат, Умму Саламат, Зайнаб, Хувайрият, Сафийат, Маймунат, Исафа, Хавлат, Асма, Аьлият.

ОьрчӀал: Кьасим, Аьбдулагь, Душарал, Зайнаб, Рукьият, Умму Кульсум, ФатӀимагь. Мукьа асхӀаб-хӀалифтал: Абу-Бакр, Оьмар, ХӀусман, Аьли. Минацал ахӀал сагьну буна алжан умуд бувсса: Зубайру, Саьду, АьбдурахӀман, ТӀалхӀат, Саэд, Абу Оьбайдагь.

Мукунна хьинсса цӀарду хьанайссар цаймигу Идавстурал цӀардугу.

ХИЯМИС

Хьова ишираву анавар уккан аьркинссар: ххуллулсса хьамалу уван, ивкӀума уччин, душ чӀумуй щар булун, бурж булун ва бунагьрая пашман хьун

ЦИУССА ХАВАРДУ

Гъазанищливсса мавлид

1 « Мавлидрай ихтилатру бунна личи-личисса районнал ва шагь-рурдал имамтурал, Дагьусттаннал аьлимтурал Советрал председатель Арслана-ли-хӀажи ХӀамзатовлул, Буйнакскаллал имам Аьбдулкарим-хӀажи МахӀаммадовлул, мунала хьиривчу Ислам-хӀажи Мажидовлул, МахӀачкъалал хьун мизитрал имамнал хьиривчу Зайнулла-хӀажинал Атаевлул, «Сафар» мизитрал имам МухӀаммад-хӀанапи ХӀамзатовлул, ДУМД-рал экспертний отделданий кялушиву дуллалисса Мурадлулла-хӀажи Дадаевлул, Ялувмур Гъазанищливсса имам Ильяс-хӀажинал. Ихтилат бунна щайх Сайпуллагь-къади Башларовлул (къ. с.) арснал оьрчӀ Сайпуллагь Башларовлулгу.

Мавлид дачин дурну йа Дагьусттаннал муфтийнал кумагчи МухӀаммадвакиль СултӀанмахӀаммадов.

ИСЛАМРАЛ КОНКУРСУ

Пенсионертурал дянив исламрал гьанурдал кӀулшивуртту ва тӀайлану чак буваву ххал дигьлагьисса республикалул конкурс

Дагьусттаннал бусурманнал РувхӀанийсса управлениелул республикалул Пенсионный фондращал цацӀу баян буллалиссар пенсионертурал дянив исламрал гьанурдал кӀулшивуртту ва тӀайлану чак баву ххал дигьлагьисса конкурс. Муниву гьуртту хьун ихтияр дуссар пенсиялийн уккай оьрмулувусса гьарманахь.

Конкурсрал этапру:

Цалчинмур – шьраваллаву ва шагь-рурдал махӀлардал мизитирттаву сентябрь зурул ряххуннийнин. Килчинмур – районнал (шагьрулул) лагрулий сентябрь зурул кьунниннин.

Шамилчинмур – Хьун мизитраву октябрь зурул ххунний (МахӀачкъала, Дахадаева, 136) ссят 9-ний.

Ххув хьуманан дулунтӀиссар хӀажливсса украсса путевка, чӀавуми баллу лавсьсса мукьа инсаннан – арцуйнусса бахшишру.

ЦӀухху-бусу бан ччарча, РувхӀаний идаралул адрес

МахӀачкъала, ул. А. Алиева, 2.
Телефону: 63-48-07, 8-988-465-94-53.

Сайтпру: www.islamdag.ru
ва www.assalam.ru.

БУСУРМАННАЛ КАЛЕНДАРЬ

Рамазан зуруй зума дугъаву Исламрал ца гъанури, ца тарцири, Аллагъу Таабланал инсантурай бивхъусса, чара бакъа биттур бан аьркинсса буржри, фаризари.

Зума дугъай зурдардиву Рамазан барз яла ххиратурди, бусурмантурал ляличину хъун байсса барзри. Рамазан барз къуртал хъуннинца инсантурал дакниву диклайссар личийсса ххаришиву, шадшиву. Аллагна я ливксса цимийлину, щалла табиастра диклайссар чанна лархъун.

Рамазан барз бувкुकун Аллагна титлайсса бур Алжаннул къапурду, лакъайсса бур Дужжагъралмий къапурду, бахлайсса бур щяйтланну ссинжирттай.

Рамазан барз Аллагъу Таабланал жунма гъан бувсса ссайгъатри. Инсантуран килуну диркиссия Рамазан зурул цинярдагу къулайши-вуртту, мий чла тунссия щаллусса шинайгу Рамазан барз къуртал къашаву.

Ва барз бунагъру багъишла байсса барзри. Ва зуруй буллан аьркинссар бюхъайссаксса чявусса хъинбаларду, лахъан аьркинссар цинявпа буржру, мукума чаклил буржру, бувайссар суннат чакру, буккайссар чявуну Къуръан.

Яла хъунмур ссайгъат жушца-ва Аллагна бан шайсса Рамазан зуруй - зума дугъавури. "Гъарца дурмур Адамлул арснал - каннари, зума дугъаву личаннин.

Зума дугъайсса Ттул Цанийри ва дулунна На мунан мунихлу бахшиш Ттула хлукмулийн бувну", тий ур Аллагъу Таабла. Мухаммад Идавс (саллаллагу аьлайги ва саллам) тий ивкун ур: "Зума дугъаву му буруччавури" "Цуманал дургъури зума Рамазан зуруй щаллуну ва дакнихтуну вихну Аллагнайн, мунал цува уручлачиссар циняв бунагъирттая". Бюхълай бунува, зума дургъуманан буссар Аллагна яту хъунмасса барачат. Ва амрури Аллагнал Дуниаллийгу, Ахиратравугу хъинбалану бацантисса. Зума къадургъуминнангу, буссар хъунмасса танмихл кирагу Дуниаллий.

Зума дургъусса бусурманчуннал чурх ва дак марци дуклакиссар. Укунсса мяна душиву зума дугъавриву тасттикъ дулла дур элмулугу. Зума дургъуссаксса хлаллай дигъа лаглай дур ххюттука, марци буклай бур чурх пухпурсурдая; чярусса азардая ххассал хъанай ур инсан.

Зума дугъаву, му так дукра къадукаву, щин къахлчаву дакъар. Зума дургъума махъунай хъанакъиссар бунагъирттая, хъинмунин клунклу тлутиссар, ссавур - иминшиву дуллалиссар, дак тайлану къуццу тлутиссар.

Ва зуруй оьккисса маз бувгуну биклан аьркинссар, щяту бунугу оьккину махъа гьалгъатлун къабучиссар, оьккисса тлуллая бурувчуну биклан аьркинссар.

Каши буллугъшиву думанан клул шайссар мискинчуннал къадар, увчуманан клул шайссар къашилманал лякьа. Кумаг байссар къадру бан цанма Аллагна ливкусса барачатрал.

Фаризасса (буржсса) зума дугъа-гьима иклан аьркинссар:

1. муьминчув;
2. оьрмулун балугъравун ивсса;

Рамазан барз

3. аькьлулун щаллусса;
4. чурххал цуллусса, щаллусса кьини щин - дукра дакъа ацан бюхъайсса.

Дургъусса зума мийжанссар ва къамул дайссар агарда буруччирча цаппара хлуччарду:

1. Нийят дан аьркинссар дакнива ва тасттикъ дайссар мазрайну: "На нийят дулла ура гъунттийсса фаризасса зума дугъан Рамазан зуруй ва шинал, Хъунасса Заннайн Аллагу Акбар". Нийят дайссар гъарца кьини баргъ лавгния махъ клорххицун члун



дучланнин.

2. Буруччин аьркинссар зума зия шайсса иширттая.

3. Килуну диклан аьркинссар члун та зума дайдишайсарив ва та ита дакъайсарив.

Зума дугъаву зия шайссар:

1. Дукра дукарча ягу щин хлчларча зума дургъуссаксса хлаллай. Ппапрус учингу къабучиссар.

Агарда хавар бакъа чансса дукра дукарча ягу щин хлчларча зума зия къашайссар. Клорххицуннай дукра дукуну махъ къацгу, къакъаригу вилагайссар.

2. Зума дургъусса члумал рутлан къабучиссар. Агарда вийва инава акъа рутларча, анаварну къац вилаган аьркинссар. Щин кьютл учин къабучиссар.

3. Зума дургъуну бунува (чани хъанан диркни я баргъ гъаннинсса члун), адиминагу, царссагу цлчлун шаврил, дургъусса зума зия шаву дакъасса, мурдалгу хъанакъиссар. Мукумса иш хурча, адиминай ачла дишайссар. Мунан аьркинссар кива зуруй, ца лях къадиртун зума дугъан ягу 60 мискин гъаривнан дукра дулуну ми буччин бан.

4. Шанай акъанува адиминава буккарча мани (мая), мунал зума зия шайссар. Шанай унува буккарча, зума зия къашайссар.

5. Баргъ гъаннин чансса хъхичи хъами чурххал хурча, мунил зума зия шайссар, махъ лахъайссар.

6. Оьрчи бувсса хъаннин, марци

къабувкун зума дугъан къабучиссар, мукум лирчсса зума махъ лахъайссар.

Мухаммад Идавсил (с.а.с.) хладисирттайн бувну, зума ита даркуну хъинссар цила члумал, лахъи лаган къадурну. Зума ита даркуну хъинссар чассаг бувкуну наклихун. Щинал ххуну ита дакъингу бучиссар.

Дукра дукаву дайдишайссар Аллагнал цанищал "Бисмиллагъи ррахлмани ррахлим" тий ва миннат булла зума къамул да, тий. Хъинссар клорххилсса дукарча чансса хъхичи, клорххицун чаклил члун дучланнин. Жула Идавсил (с.а.с.) дукра дукуну махъ, чак баннин хъхичи буккайсса бивкун бур Къуръандалува 50 аят. Дукра чярусса дукуну къахъинссар, чурх клулаган байссар, эбадат даврин дахчайссар.

Хъинну хъинссар зума дургъуманан дукра дулуну зума ита дакъин. Чири буссар мукссава зума дургъуманан кунмасса. Хъунмасса чири буссар цадакъа барча мискинминнан, гъанмаччаминнан, муляимтуран.

Зума дургъуманан аьркинссар цала чурххал базурду бурувчуну иклан къабучимуну, хларамрая: яру буруччин аьркинссар оьккимуних уруглаврия; маз буруччин аьркинссар щялмахъ бусаврия, кукулусса хавардая; вичлив буруччин аьркинссар оькимур баяврия, щялмахъру баяврия, мукумса клантгавату анаварну укъан аьркинссар; кару ва ччанну буруччин аьркинссар къабучимур буллалаврия; лякъагума буруччин аьркинссар ххисшаласса дукра дукаврия, къабучимур (дунгузрал дикл) дукаврия, хларамну ляркъумур дукаврия ва м.ц. Цинянан аьркинссар Аллагнайн эбадат дуллан, Къуръан буклан, булакиминнах вичи дишин, Исламрал элмурду лахълан.

Идавсил (с.а.с.) хладисру Рамазан зурул ххирашиврия

1. "Рамазан барз бувкукун титлайссар цимилул къапурду".

2. "Рамазан барз бувкукун Алжаннул къапурду титлайссар, Дужжагърал къапурду лакъайссар, щяйтлан ссиржинтрай цлак байссар".

3. "Рамазан зурул гъарца хъхуну малаикнал оьвчаву дайссар: "Хъинмур ччимий, буккира! Оьмур ччимий, бацлияра. Аллагнал буруччиннав жува Дужжагърал царая!"

4. "Зума дугъул барз бувгъуминнал аьмаллан буллалисса чирирду хъуну шайссар ацунния арулттуршуннин биянин. Аллагу Таабланал увкунни: "Зума дугъаву Ттунни дуллалисса. Нагу гъарцаннан цахава лавхъусса чичина ганихлу. Инсаннал Ттул цаний цала чурхгу бувгуну, цанна ччисса дукралия махъунай хъанай ур. Зума дургъуманан дур кира ххаришиву: ца зума ритансса, клилчинмур цала Залуннал хъхичи авцусса члумалсса. Аллагна ххирассар зума дургъусса инсаннал къанкъ мускусрал къанкънир".

Ххирасса уссурвал ва ссурвал!

Цила багъайсса куццуй щаллуну дугъияра зума Рамазан зуруй. Зума лях гъан мадитари. Ца кьиниссарагу къадургъуну личларча, муний пашман хъуну, хъирив лахъияра.

Тайлабацлу баннав зун! Заннал къамул даннав ххуйсса аьмаллащал дургъусса зул зума!

Амин!

ХИРАМИС

Чявуссаннаяр ххув хъума акъар ххувма, гуж бума; ххувссар так сситтуву цаяра цува ххув хъума

СУПИЙТУРАЛ ХАВАРДУ

ПаччахIшиврул багъа ца щинал кличлу

Халиф Гъарун ар-Рашид чявуну лагайсса ивкун ур хъунмасса акьлулун залунначлан – Вали Шакъикъ Балхичлан, цайнмагу танаясса бара-чат биян.

Ца кьини муначла зияратрайсса члумал Шакъикълул увкуну бур Гъаруннухъ:

– Пикри ба инава къунналул билатрай мякълил клиришивруву ивклай. Вил ххассалшаву – ца щинал кличлу.



Му щинал кличлулух ци дулунссия?

– Цимурца дулунтиссия. Мукумсса хлакъираву хъуслий мяш шайсарив? – куну жаваб дулун дур Гъаруннул.

– Ми щинах вила дачи хъус, дула увкуссия, дулунтиссия? – куну суал булун бур Шакъикълул.

– Хъуслий мяш хъуну, ивчлан ацлавияв туну? – куну бур Гъаруннул.

– Ти пикри бува, дачи хъуслий ларсун щин хларчлунни ина. Цахъис хлаллава чиви хлажат бивни, амма му хлажат бан къахъанай ливчлунна ина, азаруннил увгуну. Бан-бит бухлавгуну, дару лякъин къахъанайсса члумал, увкуну цаннал увкунни: «Ттучла бур винсса дару, амма ва дарурах на тлав дулла ура вил ливчлсса хъус». Ци кьел данссия ина?

– Та азардания хъин хъун дулуну гъан дувантиссия. Му азаруннил ивчлан най ухурчан, хъуслий на цибави? Ми гъарца суаллая махъ Шакъикъ Балхил увкуну бур: – Мукум бухурчан, личлуну иклу, вила хъуслийн чул бивцун маиклара, вивуна цал ругу-руртлуну, виватура эки руртлусса щинаяр къюкьусса. Ма дак дулла ми хъуслийну щилклу хъхичи.

МИЗИТИРТАЛ ТАРИХРУ

Гъази-Гъумучиял Хъун мизит

1 « кув чумал бух хъанан, кув чумал хув хъанан. Вай талатавурттаву давлугу буну, аьраб махъунмай Шамлив (Сириянавун) занабиклайсса бивкнугу, хъунмасса тйлабаццу аьрабнан къабивкун бур, цанчирча, гужну данди бацлацисса хазар му чумал Византиянащалгу бавкуну бивкун бур. Му бакъасса, Халифатрай цачлавагу питнардугъарзасса бивкун бур 7 ттуршукулул ахирданий, 8 ттуршукулул дайдихулий.

Ахиргу Оьмайядтурал (Оьмардул наслу) паччахшиву цакъ хъуну махъ, урчулчинма халиф Хишам бин Аьвдул-Малик-лул, хазарнащал талай аьрабнал амир Джаррагъ Абдул-лагъ Хлаками ивчлайху, чявусса аьралгу бавтун, миннащал Дагъусттаннайн гъан увну ур хижралул 112 шинал (730 ш.) цала уссу Маслама бин Абдул-Малик. Ва ппурттх Маслама, Дербентгу лавсун, хазар ххит буллау, миннал ца хъуншагъру Баланджардайн (Тарки, килчинмур хъуншагъру Семендер бивкиссар) ивну ур, хазарнал паччахнал аргсума миннал ивкуну ур.

Хласан-апанни Алкъадаринал «Асари-Дагъусттан» луттирай чивчусса куццуй, «Дагъусттан мусулманнал билаят бан ччай, Маслама бин Абдул-Маликлул шикку личи-личисса кланттай мусулманнал къюкьригу, хлакимталгу (комендантътал) къабивтун, миннайн буюрдугу буну бур. Мукун, Масламал амурдалгу, пикри буну лавсусса ххуллурдалгу кумаграй, 115 шинал (жула 733 ш.) Дагъусттан мютлий хъуну бур. Ганал амру буну, шагъурдай ва шярваллаву ислам лахъхин дуллан къадийталгу, аьлимталгу бивтун бур, агъалинай каялушиву дуллан амирталгу (правитель), хъунчувталгу (старейшины) бивтун бур, минарартту ва мизитругу буну бур».

Жула халкъуннан хъинну килули Дагъусттаннай бусурман дин дихълай Абу-Муслим ивкшиву, Гъумуксса Хъун мизитгу ганал бившиву. Амма Абу-Муслим цувацу ивкиссаривагу вайннан балжину къаклулли. Абу-Муслим-хъул тлурча Дагъусттаннайн цимиягу увкун ур. Укун буслай ур минная таварихчи В. Хлажиев: «Дагъусттан клунттихъун лавсма ивкун ур Маслама бин Абдул-Малик. Амма, бусурмантурува ва бусурман бакъаминнаву бусласисса хавардай ганан дирзун диклай Абу-Муслим тисса ца... Ивкуну ур га Сириянаву 121 шинал (жула 739 ш.) Хант тисса кланай (ганайн барачатгу, цимигу ликканнав). Таварахчи Ибн-Касир чичлай ур, килцлавгсса Маслама-камил хъуса, къучагъшиврул цадурксса, хлурмат лавайсса Халид бин Валидлуцал (Аллагънал ганай цими бишиннав) архлал ацан ан бюхъайсса хъунасса амир (полководец) ивкиссар тий.

Га акъасса, цамагу Абу-Муслимлул мютлий бивссар Дагъусттан тий бухъурча, му къатлайлассар. Цанчирча, га акъа ялагу кия Абу-Муслим ивкиссар, амма миннаяту цаягу га чумал Дагъусттаннайн лавгун иклан къабюхъайссия. Миннаяту ца – 129 шинал (жула 747ш.). Хурасанная увкун (Ираннавусса клану), халифшиву Оьмарлулминнаца Аьппаслулминнахъун дучлан кумаг бивмари. Ганал аьрххирду циняв тай билаятирттайвари бивкисса, Дагъусттаннайн аьрхи цалвагу къабгъссар. Ялагу ца-хижралул 5 ттуршукулий (жула 11 ттуршуку) шихун цала кулпатрацал увкун, Дагъусттаннай дин лахъхин дуллау, шариат агъа-

лиनावу пив дуллау ивкисса, ахиргу Яруссаннал хъунмуршяраву Хунзахрай ивкисса цайх Абу-Муслимри. Ганал гъавгу килулар зиярат байсса клану хисаврай».

Хласан Алкъадаринал чивчусса куццуй, Дербент клунттихъун ласайху,

са бивкун бур («диндалул далил» тиссар).

Амма, таварахчи А. Шихсаидовлул ва цайми таварихчитурал пикрилий, «Абу-Муслимлул таварих» тисса чичурдай баякьин бивсса хлучарду чявур. Мисалдаран, Масламал дурмур



Абу-Муслимлул (Масламал) микку буну бир хъинну ххуйсса, цайминнуха къалавхъхъусса мизит, гъарца махлпайигу - мюрци мизитругу. Ялагу ганал бан буну бур мизитругу Къайтагълив, Табасараннай, Даргиял округрай (хъунмасса мизит буну бур Ахъушав), Кураллал округрай Ричав (Чурппи), Фитав, Къучхурдив, Самурдал Округрай Ахтав, Къара-Куртлив. Мукуна Гъази-Гъумучиял округрай бан буну бур хъунмасса нюжмар мизит. Ялагу-Яруссаннай, Ссурхлив, Цахъарав ва цайми кланттурдай.

Гъумук мизит баврил хлакиравусса хлучарду хъунабакълай бур «Дарбантнама» луттирайгу: «Дарбантрай ххуйсса цакъшивурттугу дурну, Абу-Муслим аьралуннащал Гъумукун авчун ур.

Гъумучиял шагърулул ялуvmур бутлул буну бур жяматрал мизит. Цаппара махлардайгу буну бур мизитругу. Шагърулул хъунма хъуну ур Абу-Муслимлул сепасалар (командующий) къурайштураясса Аьбдулмутлаллибул арс Аьбдуллагълул оьрчал оьрчи. Га Абу-Муслимлул ивтун ур шала Дагъусттаннал хъунма хлакимну».

«Абу-Муслимлул таварих» тисса луттирайгу хъунадакълай дур укунсса чичру: Абу-Муслимлул арс, «къувват буса султан Ибрагъим, Ширваннал наиб цала аьралуннащал гъазават буллау ивкиссар Гъумучиял, Яруссаннал билаятирттайн ва Дагъусттаннал цайми шярваллайн къаршину (ганан ххувшаву ва бюхтулшиву дулланав Аллагънал). Ахиргу ганал имандакъашиву, чапуршиву ва зулмукаршиву бас дурну дур. Яла куну бур: «Тайлашиву дуркиссар, тйлабакъамур бухлавгссар; мяйжаннугу, тйлабакъамур бухлавгссар» (Къуран: 17/83). Гания махъ ми инсантуран исламрал нур риртун дур килушивурттал ва аьлимтурал кумаграй. Микку чявусса мизитругу буну бур. Гъази-Гъумук мизит байхту, Ибрагъим Ширваннайн заняхъуну, тийх яхъанан ивкун ур, ширваншагъ хъуну. Цайнмагу Бурхланаддин учайс-

гъарзат Дагъусттаннайвагу къавкма Абу-Муслимлул дурсса кунна ккаккан дурну дур. Абу-Муслимлул арснан ккалли увсса султан Ибрагъимгу ивкун ур Дагъусттаннайн аьрчча Тимурдуцал увкун ивкисса ширваншагъ Ибрагъим Дарбант (1382–1417).

Гъумук хъун мизит баврил хлакираву жува ялув гъарца кланай килцлавгсса Абу-Муслим-му Масламари. Тйлаасса ца-Маслама ибн Аьвдул-Малик. Га ивкиссар халифталу бивкисса ал-Валид ва Хишамлул уссу, халиф Аьбдул-Малик ибн Марванлул арс (гъижралул 65-86, жула 685-705 ш.ш.), цувагу аьрабнал аьралуннал бакчи. Ганашал сайки ца чумал яхъанай ивкма Абу-Муслим тлурча парсри. Хурасаннайсса иширттаву гьуртту хъуну, Халифатрай Оьмардулми ливтуну, бас буну, Аьппаслулминнахъхъун паччахшиву дулун савав хъумари (727-755ш.ш.). Дагъусттаннайну га тачлав къаувкун ур.

Килцлавгун бур Хъун мизит «Гъази-Гъумучиял ва Кураллал хантал» тисса А. В. Комаровлул чичурдайгу (вай дурну дур Аьппас-Кули Бакихановлул «Дагъусттаннал таварихрайн», Дарбантуллар архивавусса чагъардай, Кураллал хан генерал-майор Юсуп-багнал ва ганал уссу капитан Жабраил -багнал бивсмунин буну. «Лак, хасну миннал хъун шярвалу Гъумучиял агълу хъуссар ислам къамул дурсса дагъусттаннал цалчинминнувасса миллат. Шикку бусайсса куццуй, дин даххана дурну дур вайннал бигъану, дурагу дайшишу къадурнура. Гъумучиял жяматрал цала гъан буну бур вакилтал аьрабнал аьралуннал хъунма Абу-Муслимлулчан, цачланма цусса дин лахъхин дулланми гъан бан тавакъу буллау. Абу-Муслим цува лавгун ур Гъумукун, микку ганал 777 шинал буну бур мизит (цийва мизитрай дурсса чичрулий килцлавгсса куццуй), бивтун бур къадийтал, халкъуннай каялушиву дуллангу ивтун ур Шах -Баал: гихунмай ва цания хъуну

ХИАМИС

Чявусса инсантал махлрум бивссар кира хъинсса затурдия: цулуллу-сагъшиврия ва мажалдания

дур шамхалтал тисса ца».

Ца кланай ялагу килц лавгун бур Гъумуксса мизит – Н. И. Вороновлул чивчусса «Дагъусттаннайсса аьрххирдая» тисса луттирай. Ваний бур ца хъинну агъамсса, цамур кланай жунма хъунакъабакъайсса хлуча: «Дагъусттаннал хъхичирасса чичурдай бур, гъижралул 2 ттуршукулий аьрабнал аьралуннал хъунма Абу-Муслим, Дербентгу лавсун, Гъумукун авчуссар, миккусса амиртал ва инсантал, ца-кира талатаву дайху, цайва рахлму бан миннатру буллан бивкиссар ва ислам къамул дурссар тий. Абу-Муслимлул Гъумук чярусса ххуйсса къатригу, мизитругу бан буну бур. Ахиргу, ганал шикку каялушиву дуллан Мухаммад идавсил буттауссу Аьппаслул арс Аьбдуллагълул арс Шах-Баал ивтун ур. Ганачла къадийгу ивтун ур инсантуран цусса диндалул эбататру лахъхин дуллан. Аьрабнал Гъумучи ласаврицун бавхлуну бур шиккусса чявусса кланттурду. Миннувату яла агъамми бур мизитругу. Амма миннаяту цавагу бушиву къаклулли аьраб Дагъусттаннайн бивкисса чумалсса. Сагъну душиву къаклулли Гъумучи Абу-Муслимлул лавшиву бусласисса ва ганал мизит бивсса члун ккаккан дурсса 777 шиналсса чичру. Шиккусса къадийнаца жун му чичру ккаккан дан къабюхъунни. Гъумук хъун мизитну ва яла хъхичи бивмурну ккалли байсса мизитгу махъ бивсса бухъунссар. Гъумучиял инсантул бивсусса куццуй, ва буну бур хъхичива бивкмуния, бахханагу буну, Махаммад ханнал чумал (ивкиссар 1789 ш.)».

Ялув жува чивчусса циняв луттирдава бюхъанссар сивсуну кива хлучча ласун: 1) Гъумуксса нюжмар мизит бан буну бивкун бур (тйлану учирча, буллау байбихъун бур)-Маслама ибн Аьвдул-Маликлул. Буну къртал хъуну бур, члалачиссаксса, 777 шинал, Маслама ивкуну махъ (ивкуну ур 739 шинал).

2) Цана Гъумук жунма члалачисса Хъун мизит (нюжмар мизит) хъанай бур Масламал бан буну бивкуну бахханагу буну (гъартагу, бакъингу бухъунссия), Махаммад ханналгу цаламур бутла 18 ттуршукулий бивхъусса мизит.

Хаварду биклай, Хъун мизит ца ттуршраксса шинал хъхичигу бакъин буну бивкиссар тисса. Жунма дакнийсса чумал мизит бакъин бунни, магъуйсса махгу цу дурну, вих чирттайх цаппара кланай, чичурдайх сирдугу бивкуну, ванийнин ца 15 шинал хъхичи (Тйлаассар таварихрал гъайкалну хъанхъисса къатри дакъин давриву за бивчайсса инсантул учай, сир бивкуну, мизит зия буну бур, куну). Га чумал даркъусса магъул мах кув кланай сси багъну, ккутругу хъуну, букламарду зия хъуну дия.

Дуклу, райондалул администрация хъирив буклай, республикалул идаралул итадаркъуна магъуйх цусса мах дакъинсса арцу. Укун буслай ур му иширая ОЖКХ-лул хъунма инженер Мирза Тутунов:

1 « – Хъун мизитрал магъуйх махгу дакын, полгу ришун, цайми давурттугу дан багълай бушиву члалай, жу дурссия 500 азарунния лирчусса



ИДАВСТУРАЛ ТАРИХ

Мухаммад Идавсил оърмулиясса суаллу

صلى الله عليه وسلم

– Каъба цубуккан буллалени къурайштурал дянив хъусса бястччалданул дазу цукун дурссар Идавсил ❁?

– Каъба цубуккан буллалени, мунил чиртту гъаз буллалени Лухли чару мурцулв бишин багълагъисса ппурттуву къурайштурал дянив бяст багъссар Лухли чару щил бишинтиссар тий. Му алжаннава лавсъсса чарур тий, аьрабнал чарийн икрамуру буллай бивкисса Ибрагъим идавсил заманная шинмай. Мунихлуну къурайштурал тухумирттал вакилтурал баян бувссар му чару бивкисса кӀанай бишаврил цӀаний цӀакъну бацӀантӀишиву. Хъуниминнал

диркиссар Жабраил малаик хъьичива-хъьичи Аллагъу Тааьланал цала пикри, хлукму (вахью) биян бан Мухаммад Идавсичан ❁ тӀайла увксса члун.

– Мухаммад Идавс ❁ хираъ нуххувун цувалу айли шаврил аькьилшиву, мяъна цукунссар?

– Идавс мукун цувалу иклайсса ивкӀшиву щалва мунал умматранса дарсри. Аллагънал ххуллийн оьвтӀиманан мукунсса ссувайшиву чара бакъа аьркинну диркиссар. Му хӀалатраву пикрирду буллан аьркинссар Аллагъу Тааьланал бюхттулшиврия, КӀа гьармур кӀулма, баяй-

ХӀАМИС

Та дунияллий хъьичи(ра-хъьичи) цинцилттай дишинтисса дакӀ хъиншиву ва сахаватшивур

– Аллагъу Тааьланал халкъунна-чӀан цала хлукмурду биян бан гъан увсса илчи ушиву исват хъаннинма цуку-цукунсса аьламатсса ишру хъанай бивкиссар Мухаммадлуцал ❁?

– Му ХӀалиматучӀа тарбия хъанхъисса ппурттуву Мунал ккукку-блуд ужагърайн барачат ливкссар. Минналми гьаттара личинува бувчуну зана шайсса бивкиссар ва минухъ накӀ чӀяру хъуссар. Къурагъшиву дагъну лагмара цимурца къаркъун най дуний минналми къатри щӀоллишиври-вун дахъларгун диркиссар.

Малаиктурал мунал хъазамрава къюкӀ дурккуну, му шюршуну марцӀ дуккан дурссар.

Му аьрххи-ххуллийн нанитари мудан ссаврунай Мунайн ххот дагъан дуллай ттуруллив архӀал дизайсса диркиссар.

Мунал баяйсса бивкиссар чартту ва мурхьру цахъхъунма ссаламуру буллай.

– КутӀану бусияра идавшиву ликканнинсса Мухаммадлул ❁ оьрмулия.

– Мухаммад Идавс ❁ ппу акъа ятинну лъавхъуссар. Мунал ряхра шин шайхту нинугу диркиссар. Нитти – буттая бутурай мунал цичӀар къадуркссар. Цанма ччатӀ льякъин шайсса оьрмулувун ияйхту, мунал яттихлукхушиву дуллан багъссар, яла махъату машлул даврихун агъссар. Ххаджил къай даххан Шамлив лавгния мукъах, мунил цила сипталийн бувну бувцуссар царну Ххаджи. Жагъилнийва Идавс халкъуннал вихшалдаравун агъссар ва мунал «аль-Амин» тисса ялунцӀа дирзссар.

– Бусияра Аллагънал Мухаммад ❁ идавшиву ласун хӀадур аврия.

– Цалчин, Мухаммад Идавс ❁ нину-ппу бакъа хъун хъанхъи увавил мяъна мукунссар, диндалийн вих бакъаминнал мунал нитти-буттал кумаг бувссар къаучиншиврул. Мунал я буккин, я чичин къакулуну бивкиссар, луттирдава кӀулшивуртту ларсъссар къатӀуншиврул. Идавшиву ликканнингу му ивкиссар тӀайламур, аьдилмур ххирасса, марцӀсса инсан. Аллагънал му урувгуссар къаххуймуния.

– Ялувманал Идавстал къаххуйсса тӀуллая буручаврил аькьилшиву цукунссар?

– Хъунасса Аллагъ Тааьланал циняв идавстал бурувчуссар лайкъ дакъасса хасиятирттая, ми Аллагънал мукӀрушиннарайн (вахью) ва идавшиву къамул дан хӀадурну бикӀаншиврул.

«Диндалул гъанурду ва Мухаммад Идавсил ❁ оьрму суаллаву ва жавабирттаву» тисса луттирива

къурушрансса смета. Итадаркъуна 200 азара къ. Дуклу майрай ларсун дирхъуссия 168 азара къурушрансса цинкрал мах (профнастил). Гъашину февральданий дайдишарду даву. Ласарду тахта-тӀама, къасса мах, мярду. ОКХ-лул кӀул бувну, бувгъуссар ххуйсса усттартал. Цана сайки щала магъуйх мах даркъуну дур. Къуп бакъин ччай буссияв мукъмурцу касакирттал («рыбья чешуя»). Амма мунил хах саргъун бакъасса буну, мукун бакъин бюхълай бакъая. Льякарду бакъинсса камур жура.

Циняр давуртту дансса арцу диял хъанай дакъар. Ттигу тӀалав дуллай буру. Умуд бур, уттигу итадакыншиврийн. Хъьичими муххал лув тамансса тахта, тталлу аьну бия, мигу, къуплил хахгу цубуккан бувссар. Усттартуран хъунмасса багъа булун багълай бур. Къуплийсса мицӀлил ккузри, барз мачӀру дирзсса, бухсса бур. Ва мицӀ цусса бангума 15 азара къуруш тӀалав дуллай бур. Арцу диял хъанай дакъар. Мизитраву тӀурча дуллансса давурттал хӀат-хӀисав дакъар.

Цусса магъи исвагъисса хъуну дур мизитрал. Ва дакълай ур шама усттар, КӀамахъалиясса лак: Хлусман МахӀаммадов, Мурад Сайпуллаев, Хлусайн АьвдурахӀманов. Вайннал тамансса давуртту дурну дур шагърурдай-даркъуну дур магъив ччарча ттизаманнул хъуни къатрай МахӀачкъалаливсса «Санта-Барбаралий», Хасавюртлив, ГъувкӀрав, даркъуну дур магъив цуну бувсса цайми мизитирттайгу.

Республикалул идарартталгу, райондалул администрациялулгу, шагърурдайсса арцу дусса лакрал инсантуралгу, агъалиналгу кумаг барча, ва 1200-нийал ххисаласса шиннардил хъьичи бувсса мизит, таварихралгу, архитектуралулгу гъайкал шивун бувхминная жунна нач къахъанансса куццуй бакъин бан бюхъанссия: пол ришун, гъили бансса шартӀру дузал дан, зия хъусса чӀавахъултту, дарвазартту, хъяхъя кусса чиртту, гьарзат дакын дан, чӀаххуврайсса къатрал магъая чӀирахун най, гъанурдавун дюкълакъисса щин чирттачӀату арх дан, чаклин биссун къулайсса кӀану бан, щин дуджин, имам ягу мударрис яхъанхъисса, увкӀма ацӀансса чӀаравсса къатри бакъин бан... Аллагънал кумаграй, ца-ца тий, вай давурттугу бакӀуй дукканшиврийн хъул бишинну.



Ассалам-фото

маслихӀат бувссар цалчин мизитравун увхсса инсаннал тӀимур буванну куну. Му инсангу ивкиссар 35 шинал оьрмулувусса Мухаммад Идавс ❁. Къурайштал хъинну ххари хъуссар мизитравун Мухаммад Идавс ❁ уххаврия, му дакӀ тиртӀусса ва тӀайлашиву ххирасса унуттий. Циняв рязи хъуссар мунал бувсса хлукмулуцун бакъин. Мухаммад Идавсил ❁ циятура ялун руту (накидка) лирккуну, муний бивхъуссар Лухли чару. Яла мунал гъа-рица тухумрал вакилнахъ ялун рутул зума дугъияра увкуссар, циняв-ннал гъаз бувну Лухли чару Каъбалул чӀирачӀан лавсъссар, яла Мухаммадлул ❁ Каъбалул мурцулв бивхъуссар. Угъарасса аькьил Луммаятлул микку увкуссар: «Ва жагъил хъунасса миротворец хӀисаврай машгъур хъунтиссар, мунал къалмакъаллал дазу ришаврил гъунарду, бюхъугу бур» куну.

– Бусияра Идавс ❁ Хираъ нуххувун цана цувалу айла шаврия.

– Мухаммад Идавс ❁ мукъцӀалла шин шайхту, Аллагънал мунавун нуххувун айла хъанансса гъира бувтссар. Му ччя-ччяни лагайсса ивкиссар Хираъ нуххувун ва миву куннил хъирив ку ацӀиняхъайсса хъьурду (кувний миннуяргума чӀярусса) дайсса диркиссар. Дуки-хӀачӀиялул луртан къуртал шайхту, му шавай лавгун, дуканмургу ларсуну цӀуницӀа нуххувун зана шайсса ивкиссар. Ца къини му цана цувалу нуххуву уна муначан увкиссар Жабраил малаик Ялувманаятуса вахӀийну. Му

ма, ххалшайма ушиврия. ХӀакъну ца Аллагъ ушиврий дакӀ дацӀан дурну, иман дишаврия. Му пикри буллан аьркинссар аьрщараймур оьрму янил ляпӀ учиннин лагайшиврия ва аьаддиймур оьрму ахиратраву бушиврия. Му барччалагърай икӀан аьркинссар Аллагъу Тааьланал цанма буллусса неьматирттая. Мукунсса пикрирду буллалисса ппурттуву инсаннал дакӀниву ххи шайссар Аллагънахсса ччаву, цӀакъ шайссар Мунал цимилийнисса вихшалагу, Му хӀакъну каши бюхттулсса ушиврул умудгу, Мунаятусса нигъгу. Мукун цана цувалу ливчӀун оьрмулия ва бивкӀулия, оьмуния ва ххуймуния пикрирду къабулларча, инсаннал иман хъьара хъанхъиссар. Так Къуръан ккалаккаву къагъассар. Аллагъу Тааьланал бюхттулшиву, Мунал каши хъуншиву, Аллагъу Тааьлананхсса ва мунал Идавс МухӀаммадлухсса ❁ ччаву цӀакъ дуллалисса ххуллийн аьлимтурал тасаввуф учайссар. Му ххуллийх бачин гъарца бусурманчувнай ялувссар.

– Ссай маъшат буллай ивкиссар Идавс ❁ Къуръан ликланнин?

– Балугъравун ияйхту Идавс ❁ букансса ччатӀ льякъиншиврул Маккалив къурайштурал яттичӀан занай ивкиссар. Иялсса чув-жагъил шайхту му маша баврихун агъссар Саиб ибн Абу Саиблуцал. Идавс ❁ Шамлив лавгссар Ххаджил машлул чарвандалуцал ва му щарну бувцуну мукъахгу маша буллай маъшат буллай ивкиссар.

ИСЛАМ ВА МЯЪРИПАТ

П. ХИАМЗАТОВА

(Дайдихъу хъхъичӀмур номерданий)

Синаършарая дурсса Адамлул къаркъала диркӀун дур азарда шинай Алжаннул хъулук дирхъуну. Адам сагъ ан ччан бивкӀун, Аллагу Тааъланал амру буну бур рухӀирайн, хъхъичӀа-хъхъичӀсса Идавсил няравун духхан. БакӀравун рухӀи духлан диркӀун дур хъинну гъира бакъа, таммалну, курчӀилну. БувчӀуну бур, га хъинну къачча-къаччай гива дуккантӀисса.

Аллагънал биялдарайну, га рухӀи азарда шинай диркӀун дур Адамлул няраву. Яла га диркӀун дур ярунничӀан. Адамлул тивтӀуну бур яру ва ккавккуну ур цува аьршарая увсса. Яла рухӀи диркӀун дур вичӀачӀан, Адамлул бавну бур малаиктурал буклакисса тасбиӀи, Аллагъ хъун уллай «СубхӀанаПлагъ», тӀисса.

РухӀи майрачӀан диркун, Адамлул аьнч увкуну бур. Аллагъналгу цала жаваб дуллуну дур ганал аьнчӀин – «ЯрхӀамука Ррабука, я Адам» (цими бишиннав вий, вил Раббинан, я Адам), куну. КъацӀличӀан рухӀи диркун, Адамлул увкуну «АлхӀамдулиллагъ», Аллагъ хъун увну ур.

РухӀи дакӀивун дурххукун, Адамлул ччан бивкӀун бур, дукра дукан.

Чурххавух духлахиссаксса, хъуну дур ттаркӀру, хъуну бур бьувчӀун бишив, оь, хъхъару. Муку, Аллагу Тааъланал сагъ увну ур Адам, буну ганал гъарца чулуха щаллусса чурх рувхӀанийсса сипатрацал.

Яла Аллагънал ларххуну дур Адамлул виричунай куннасса ххаллилсса яннарду ва увцуну ур га Алжаннувун. Адамлул янна диркӀун дур михъирттал куц бусса мурсирдая дурсса. Адамлул, Аллагънал хӀарам дурмур дурну махъ, гай янна бурчуйн кӀура дарну дур.

Адамлул бурхӀал ттурчӀаву дирхъун диркӀун дур МухӀаммад ХӀабиблун нур, амругу бивкӀун бур га нур дуруччинсса. Малаиктал бивкӀун бур Адамлул махъ бавцӀун, Аллагънал ххирасса АхӀмадлул нурданн ссалам булла. Цала махъ бавцӀисса, салам буллаинмасса малаиктал чӀалай, махӀатгалу хъуну ва ци иш буссарив бувчӀин бува, куну бур Аллагънахъ. Аллагъналгу бувчӀин буну бур, малаиктал бушиву АхӀмадлул нурданухъхъун ссалам булла. Микку, Адам миннат булла ивкӀун ур, цала ненттабакӀрай дишакъай му нур, тӀий. Аллагъналгу къамул буну миннат, нур дирхъуну дур Адамлул ненттабакӀрай. Малаикталгу, Адамлул хъхъичӀун бавтӀун бур. Ялагу Адамлул миннат буну бур, цанна чӀалачӀисса кӀанттай дишакъай нур, куну. Аллагъналгу МухӀаммадлул нур дирхъуну дур Адамлул каруннил хъуни кӀиссуртал михъирттай. «МархӀаба, ХӀабиби», (ссалам буллай ура вин, ххирама) куну, Адамлул цала михъирттайнгу ппай куну, гай михъу цала иттах бувккуну бур. Муниатури, цинявпагу бусурмантурал, аьзан буклакини «АшгӀаду анна МухӀаммада Расуллагъ» учайхтту, хъуни кӀиссурттал михъирттайнгу ппай куну, гай кӀивагу иттах буккайсса.

«Я Аллагъ, чӀумуви чӀун ляхъан дайма, Вила биялдарайну, ссавруннайгу, Аьршарайгу гъарзад ляхъан дурма, гъарца ляхъан дурмунил мяьна кӀулма, Вила ХӀабиблун хъуншиврул барашиву дуллалима, рахӀму бува жуй, цичӀав махъуннай тӀалав къадурну. Ина Ца ушиву кӀулминнай, ина акъассар, къатутӀиминнай, Вила ХӀабиб ххираминнай, сунналлул ххуллӀих бачин бьохъаймур буллалиминнай, тӀайласса

Адам ва ХӀава

«Аллагънайн щукрулийсса ягу жинналуьн мьотӀисса?»

ххуллӀих бавчумий ххарину къамул буллалиминнай».

Муниа махъ ляхъан дурну дур кӀира хъагу дусса ххаллилсса зад, Маймуму цӀа дусса.

Жабраил малаик ганил хъхъури дургъуну ивкӀун ур, урчӀа чулух Минкаил ивкӀун ур, куя чулух Исрапил ивкӀун ур, Адамгу щяивкӀун ур ганий.

Алжаннува бувккун, гай лавхъун бур аруллагу ссавнийн, ккаккан дурну дур Адамлул гъарца Аллагънал ляхъан дурмур. «Ассалам аьлайкум», куну, Адамлул ссалам булайсса бивкӀун бур



малаиктурахъхъун. Гайнналгу жаваб дулайсса диркӀун дур «Ва аьлайкум Ассалам, я Адам». Тания махъри бусурмантурал дянив ппив хъусса гукун ссалам булаву.

БакӀравунмагу буххан мабари, идавстурал бунагъ байсса, му пикри бувма чапурнан ккаллиссар. КӀайннал бувсса гьалатӀру, мий гьалатӀран къаккаллиссар.

Бьохттулсса Аллагу Тааъланал ялун чӀалай амру буну бур Адамлуьн, мадукара ахъулсса ччатӀул мурхъирая, куну, амма тӀайла бацӀаншиврул къадар, къюлтӀисса амру бивкӀиссар, гай ахъулсса дукан.

Машгъурсса супий, къюлтӀисса элмурду кӀулсса, тӀий ивкӀун ур: «Нава ивкӀиссания Адамлул кӀанттай, букавивя цалва га мурхъ, цанчирча, га Адамлул дурсса даву хъуну дур чӀярусса ххуйсса давурттал багъана. Яла ххуймур даву ляхъуну ур ХӀабибуллагъ нур - Дуниаллул ххаришиву, идавстурал пахру, бусурмантурал Заллу.

Алжаннул ахъулсригу канай, га ччатӀул мурхъирайсса личӀаннин, Алжаннуву Адам цана ччикун ивкӀун ур. Ца чӀумал, шанашисса кӀанттая чантӀи куну, цала чӀарав ганан ляркӀуну дур ХӀава. Аллагу Тааъланал га ляхъан буну бур Адамлул куямур линсрая. Га ккаккайтту, гъавас багъну урувгун ур ганих. Га цана Жабраилулу увкуну бур: «Шамилла дукки ХӀабибуллагълун нур ссалават, Аллагънал ганахъхъун шафааьт бансса ихтияр дуллусса, цахлу гъарзад ляхъан дурсса, вил зуррийятлул хъанахъисса. БувчӀин буну бур, цал магъар бишин аьркиншиву. Жабраиллул увкусса куцуй, ссалаватгу дурккуну, Адамлул ХӀава бувцуну бур царну. Я МухӀаммадлул уммат, чӀяруну дуккиря ХӀабиблун нур кӀимат лавайсса ссалават!

Адам нур ва ХӀава алжаннуву къабив-

тссса, Иблис луглан бивкӀун бур бансса оьмуних, ганин ччай бивкӀун бур, Адам ва ХӀава цукун бунугу бьайкӀин бан. Шантуршра шин хъуну дур Иблис Алжаннул хъулук бавцӀун, къюлтӀуну кӀивун буххан хӀадур хъуну. Ца чӀумал Алжаннува бувккун бур хъинну исвагъийсса лелуххи, га бивкӀун бур тӀавус. Иблис, ганил хъхъичӀун бувккун тӀюнгъану гьалгъа тӀун бивкӀун бур, гания цӀарду дулла. Яла миннат буну бур, цуппа буца тӀий Алжаннувун. ТӀавуслулу куну бур: «Инава циван къабуххара Алжаннувун?» Иблислулу бувчӀин буну бур, цуппа къюлтӀуну буххан ччисса. «Ттуца къахъунссар ина буххан бан. На вичӀан шатта гъан банна, кӀанил вин кумаг бантӀиссар», – куну бур лелуххул.

ТӀавус бувкӀун шатлуну увкуну бур: «Хъулук авцӀун ца малаик Алжаннуву вььза буккин ччисса. Вищава хъурча, уххан ува га къюлтӀуну». Шатлун ххуй дирзун му даву, гацӀана левчунма лавгун бур Иблислуну.

Иблислулу ихтилат буну махъ, шатлул тивтӀуну бур къацӀ, гивун Иблисгу бухан буну, зана бивкӀун бур Алжаннувун.

ХӀарамсса мурхъирачӀангу гъан хъуну, Иблис, щябивкӀун щютӀуххи бишлан бивкӀун бур. ХъхъичӀава къабавсса чӀурду бавну, Адам ва ХӀава бувкӀун бур Иблислуну. ГацӀана, Иблис миннат булла бивкӀун бур Адамлухъ, дуки тӀий, га мурхъирал ахъулсса. Адамлул куну бур: «Жун къадагъа дирхъуссар ва мурхъирал ахъулсса дукан». Иблис, махъунмай къахъанай, Аллагънал цания увкуну бур: «Вай ахъулсса дуркума абадлий Алжаннуву икӀантӀиссар, хъунав къахъунтӀиссар, малаикнайн кӀураоьантӀиссар, щинкӀуй зарал къабиянтӀиссар».

Мальоьнсса Иблислулу мукъурттийн виххъуну, гай гъан хъуну бур къадагъа дирхъусса мурхъирачӀан. Абадлий Алжаннуву личӀан ччай, ХӀавал дуркуну дур ччатӀул мурхъирал ахъулсса. Ганин цичӀав зарал къавхъусса чӀалай, Адамлулгу дуркуну дур хӀарамсса мурхъирая ахъулсса, га дукайтту, Адамлул бакӀрая таж багъну, хъинну пашман хъуну ур.

Иблислулу мукъурттийн вих хъуну, дяйкӀуну дур жула хъунна бава, га багъана хъуну аьйкуну ур хъуна бутта-Адамгу.

Укун ашкара хъуну бур Амру байманал хӀукму. Аллагу Тааъланал Жабраил малаикнахъ увкуну бур, Адамгу, ХӀавагу Алжаннува буккан бува, куну. Микку, гъарца Аллагънал ляхъан дурмур аьтӀун диркӀун дур гайннай язухъ хъуну. Так мусий ва арцу аьтӀун къадиркӀун дур, гай пашмангу хъуну дакъар. Аллагънал цӀувххуну бур: «Зу циван аьтӀий бакъару циняв Адамлул цими булла бунува? Мусилгу, арцулу жаваб дуллуну бур: «Я жул Аллагъ, Вил хъхъичӀи жун нач хъанай дур аьтӀун, Вил амру биттур къабувсса инсаннал цаний. Жу танмихӀран ккалли буллай бакъару Вила лагънан Ина ккаккан бувсса бияла», Аллагъ рязий хъуну ур мукунсса жавабрай. Муниа махъри мусил ва арцул багъа гъаз хъусса, ТанмихӀрал кӀини дучӀаннин инсантал бикӀантӀиссар миннух мохтажну.

Баргълагавай чӀумал, ножмар кӀини, Жабраил малаикнал кӀачӀисса Адам Алжаннува учӀан увну ур аьршарайн,

ХӀАМИС

Шанна задрали
инсан балаллувун
утайсса:
чӀурукъшиврул,
цана цува
ххирашиврул ва
дакӀи хъуншиврул

Индианувусса, РухӀун тӀисса зунттуьн. Бусала бур, га зунттуь цанагу дусса дур Адам идавсил ччан бивзсса шаттирал лишан, цурдагу дачӀи метралул лахъисса. Га кӀану, гъарца мудан, нурданул бувцӀуну бикӀайсса бур.

Аллагънал амру буну, Жабраил малаикнал, ХӀава дучӀан дурну дур хиджадрал (Макка ва Мадина бусса кӀану) аьршарай, хъхъирил зуманив, цана Жидат тӀисса шагъру бусса кӀанттай.

Укунсса ишру хъуну махъ, Адам нур ва ХӀавагу Иблисгу ливккун бур Аьршарайн.

Адам цила душманну чӀалачӀисса Иблис, миннат булла бивкӀун бур Аллагънахъ: «Я Аллагъ, ина на буккан бувссара Алжаннува. Буккан буну, Дужжагърал цӀаравун бувтссара Адам савав хъуну. Ихтияр дула ттухъхъун ганацал ялапар хъанан Аьршарай ва хъун бува ттул наслу. Адамлул ца оьрчӀи хъурча, ттун хъун бува ацӀва. Ихтияр дула ттухъхъун, ганал дакӀивун буххан, ганал оьттувух занан, ва була ттун оьрму Адамлул наслу Дуниаллий буссаксса».

Аллагу Тааъланал къамул буну бур Иблислулу миннат. Му бавну Адам аьтӀун ивкӀун Аллагънахъ тӀун ивкӀун ур: «Я ттул Аллагъ, я на ляхъан увма! Гъарца ттуяту ляхъуманан хӀадур хъуну ур ацӀа душман, ганал оьттувух занан тӀий бур Иблис, ганал дакӀивугу Иблислулу къатта бан тӀий бур. Ци бантӀиссар ттуяту ляхъуминнал, гай цукун къарши буккантӀиссар Иблислуну, ва цукун мьотӀий хъунтӀиссар, икрам булла, Вин?

Аллагу Тааъланал жаваб дуллуну бур: «Я Адам, гъарца вияту ляхъуманан на улунна кӀия малаик, мудан Нава дакӀин утлансса. ХӀакъсса Ттул лагъ щилкӀуй аьйкӀин къаантӀиссар. На вил оьрчӀан тӀитӀинна Ттула цимилул къапу, махъва-махъсса ссхирачӀарагу гайннал тавба дарча, На гайннай цими бишинна.

ХӀавалгу дурну бур дуаь: «Я ттул Хъунама! Ина ттун гъарца зуруй ккаккан буну бур къадагъа дусса гъантри ва ккаккан буну бур аьзиятрай оьрчӀру бан. Ттун мунихлу ци дикӀантӀиссар? Аллагъналгу жавабдуллуну бур: «Гъарца зуруй ми гъантрай, ина бунагъирттая марцӀи хъунтӀиссара, чӀяву хъунтӀиссар инсантурал тайпа».

ХӀавал 20-лла буну бур оьрчӀру. Махъва-махъмур личӀаннин, ганил байсса бивкӀун бур кӀинничӀалт. Хъиривахъирирма ивкӀун ур арс. Муку оьрчӀру булла, ХӀавал буну бур 39 оьрчӀи.

ХӀава диркӀун дур Дуниаллий цалчинмур хъамитайпа, цалчинсса адиминал ва цалчинсса идавсил царсса, цалчинсса бусурман царсса. Ганил оьрчӀру байсса бивкӀун бур гъарца кӀира шинай цал.

Инсантурал тайпалул нину хъанай дур ХӀава. ХӀава тӀисса мукъул мяьна – «оьрмулул шараци».

Гихунмайгу буссар.

Таржума
Гъумаюн КАЛЛАЕВАЛ

БУККИЯРА ОБРЧАХЪ

Киса

Ца кьини дакI чапурсса ккупласнал, базаллувух уклай уна бакъа буну бур 800 мусил кьуруцру дусса киса. Ккуплас кислук луглай тийн-шийн ххявхун ур, киса ккавксса, лявкъусса инсан къаувккун ур. Мунал чавшайн овькуну мунайхчин



Ассалам-фото

баян буну бур киса лявкъуманан лявкъумашлун 100 мусил кьуруцру дулунна куну.

Бакъа хьусса кисамур лявкъун бивкун бур тйайлашиву ххирас-са, щялмахъ бакъасса Вали тисса уссал усттарнан. Мунал киса тивагу

къативтлуну ябуллай ивкун ур кислул заллу укканнин. Чавшнал члу баяхтува му тйайлана ккупласначан лавгун, зана буну бур киса.

Ккупласма ивкун ур члуруксса, щялмахъру бусайсса, бивсса хьин-бала къаклулсса оькки адамина. Киса льявврия гужну ххари хьурчагу, ккупласнал цува ххари хьушиву кьютI буну бур. Кислувусса арцугу дурккуну, мунал увкуну бур:

– Я-я-я, гьалмахчу! Винна дагъайсаксса арцуния ина ларсуну дур.

Хласил, кагу, дакIгу марцIсса уссал усттарнай бухьтан бивхьун бур. Ссибивзсса Валил ккуплас дарвачраха увгуну, мунахъ куну бур:

– Да агъа, ургу ттух! На мискинса инсанна, амма цурку ягу аьмаллу бува акъара. Вища бюхъайссар ттун льявкъумашлун дулунна кусса арцу къадулун, му вил ихтиярди, амма ттуй бухьтан бишинсса ихтияр вил дакъассар.

Иман дакъасса, хIяярава увксса ккупласма яла-ялагу Валий аьйрду дуллай ивкун ур. Суд-диван бан ми къадиначан лавгссар. Киннахвагу вичи дишайхту къадиначан бивчлуну бур ккуплас щялмахъ буслай ушиву ва му танмихIрайн клунклу ан багълай бушиву. Къадиначан цува ссибивзун ушивугу ккаккан къабуну паракъатну хIукму буну бур: «Ккуплас ур кислува ттуршра мусил кьуруц ларсун дур тий, уссал усттарма – къаласав тий. На киннайагу вихра. КIяягу тйайлану тий ур. Иширах бургарча, Валин льявкъусса кислул заллу цама ур, кисагу бикIантиссар ва кIанай заллу укканнин».

Члуруксса ккуплас цала щялмахъ бусаврия пашман хьуну ур, къадиначан хIукму бивкун, мунан банмур къаливчлун бур.

ЧIалну пашман шаврия пайда къашайссар чIявуну. Ва базилух ккупласнангу арцух къанихшиврул бакъай буну бур.

ХАЛКЪУННАЛ ХIАКИНШИВУ

Кьурул оьтту гьарза байссар

Гьентнил чIун ччиссаксса витаминная неьмат ласай чIун дур. Кьургу хьинну мюнпатссар. Витаминнал аваданссар.

ХьхьичIва 16 ттуршукулува Аьрасатнаву кьурул щин (сок) хIачIлай хьин дайсса диркIун дур майрал – къакъарттул, къюкIлил, ттиликлрал азарду.

КIулу бивкун бур кьурул оьтту цIулаган буну ххуй байшиву. Утти заманнайгу хIакинтурал кьурул щин хIачIан маслихIат буллай бур, оьтту чан хьусса чIумал, чурххал хIал кIюла бивксса чIумал. Кьур хIисав дуллай бур качарданул мяьданну – 15 %, муниву бур витамину В1, В2, С, РР. Хьиннува чIявусса бур каротин, мунияту инсаннал чурххаву витамин А шайсса бунутий. Мунийн буну чайссар чурх лахъи бува куну (витамин роста).



Гьарца кьини кIюрххил ва кьуннил хIачIларча, цIуну дурсса кьурул щин ца-ца стакан, чурххал хIал хьинну ххуй шайссар, янин чанигу кьулай шайссар ва лажиндарал жинс ххуй хъанай дачайссар.

Ца инсаннал гьантлийсса тIалавшина каротиндалул 20-30 грамм кьуруяту дузал шайссар. Чурххан каротин буз хьуншиврул, кьурувух аьгъушиву хIала дан аьркинссар чара бакъа (ххяххияр-тава дурксса нагъ ягу барт). Дукралувун (накIливун, борщравун) дичинсса кьур

ХIАМИС

Зуватусса яла кьиматрайма – цала хьаралусса щарссанищал ххуймари

ягълаврай хьинну цIарайх дан аьркинссар.

Яла ххуймур кьур мури – уттасса, ганз – кутIасса. Мунияту шайссар хьинну ххуйсса кьурул щингу, му дукангу, салат дангу хьинну кьулайссар. Вайми сортру чара бакъа цIарайх дан аьркинссар ягу щаращи дурну ишла дан аьркинссар.

Кьур лухIи къагъан ккири ликкан аьркинссар дайлсса чIиллук хьинну кIюлану. Щюллисса бакI кьурул дукралувух ишла дан къабучIиссар, ккири ливксса кьур щинаву лахъину ядангу къабучIиссар, витамин С зия шавай тий, гайнну-вусса жура-журасса цIурду бухлагайссар, мунияту ми

2-3 ссятрай ядан бюхъайссар, тарелкалува ягу гьартасса тIахIунттуву дирхьуну, ялун атилсса полотенце руртун. Кьур шашайнигу, ми дичин аьркинссар щаращисса щинал клункIурдун, витамин С зия къахьуншиврул, клункIурдал къалакьигу ларкуну, къалакьул лугу щинал лавайсса манзил бюхъавай чIивисса бивтун. ЦIарайх дурну (дагъ дурну) хIадурсса кьур дукралувун дичин аьркинссар, дукра шашаннин 15-20 минутIрал хьхьичI.

Щин хьхьирцIусса кьургу эькикъадирчуну, миннуяту котлетру, ххюлтIукурттун, цаймигу дукра дан ишла дан бучIиссар.

СУПИЙТУРАЛ ХАВАРДУ

Лайкъшиву ва лайкъ дакъашиву

Ца инсан супинахъ инсантураа аьрза буллай ивкун ур:

– Оьрму лавгунни инсантурал оьбаларду ва хьиндакъашивурду бухIлай. Цаннал ришхант дувавай, ваманал аьй ришцавай, цаннал хьяврин увавай, ваманал дагъия къатIайлану дачIавай. Кьурталкъашайсса нех кунма нанисса аьрзардах супий ссавурданий вичилий ивкун ур, та инсан махъа-махъгу; на ци бавикъай куну суалгу буллуну къаикIаннин.

Муния махъ супийнал жаваб буллуну дур:

– Лагмаминнаву оьмур, ххуй дакъамур ва миннал дярку-шьяркурду дакъа къаккакIайсса аькьлу бакьултраха малахълав, инсантураву думур хьинмур къачIалачIисса. Мукунми лалул щавурдайн батIайсса зимизирттаха лашай ттун.

Султан – лагъ

Ца султан цала вазиртурацал, кумагчитурацал чай бурттий най ивкун ур. Мунан хьунаавкъуну ур адаврай бакIгу къус риртуну цанма ххуллу буллалисса дарвиш.

– Винма ци ччай бури миннат бува! – увкуну бур султIаннал.

– Лагънахъ миннат байссарив? – куну бур дарвишнал.

– На чачунайсса лагъри? – куну суал буллуну бур султIаннал.

Мунин дарвишнал увкуну бур: «Ина вила нафсирал лагъ ура, нарив ттула нафсирал заллура. Ина, мунийну хъанай ура ттул лагънал лагъ».

СсурухIи ва шаэр

Ца эшкьи-ччаврия чичай шаэрнан хьунабавкъуну бур ккаккан ххуйсса душ. Мунан му ххуй бивзуну, увкуну душничIан, цала ччаврия буслан ивкун ур.

– Я эмаратмур, – куну бур, – инсантал бур, ттуяр эшкьи-ччаву цирив клулсса акъассар тий. На чивчусса шеьрирдал микIираяр дяркусса къюкIру ччаврил ччуччин дай, инарив ттулмур къюкI чанна лахъан дунни. На вихсса ччаврил ччувчуну най ура!

– На вин ххира цукун хьура?! – махIаттал хьуну бур душ. – Ттул чIивимур ссу ттуяр ккаккангу ххуйсса, ттуяр лагу-лавайсса бунува куну. Тана ттул хьирив найча, ургу танихгу.

Шаэр ци караматшиву ккаккавивав тий урувгукун, гьанавиххи хьуну ур,

цан чирча, я бавцIуну тий сакъатсса, шьярайх дуккай къарий.

Душил хьиривгу лавну лахъуни буну бур:

– Цукун ливчривав ми ккаккан ххуйсса мурччава укунсса щюртI! – куну.

– Инагу ттухъ щялмахъ бивсунни вила ччаврия, – жаваб буллуну бур душнил. – Вин эшкьи цирив клулхьуну

диркIхьурчан, ва на ххира хьуну бивкIхьурчан, цукун хьур вища цамур хьамитайпалух урган? – куну.

Та душнил масалагу, Аллагу ягу ахиратри, ва къарил масалагу ва Дуньялли.

Урганссарив ахират хьурдай тIима, Аллагнаха ччаврил ччувчуну найма ва панасса, сакъатсса, ссанкIуй дакъасса Дуньяллух.

«Щайхтурал афоризмарду» тIисса луттирава

Мушири тий, нажас къамул даву, аькьлу бакъаманал касмур.

Кахибраясса ХIасан-ХIелми Афанди

Элму хьунссаксса – гьалгъа чIивиссар. КIиссуртта хIюн бутлай, къюкIлих хьус маккалав.

Оьрибраясса МухIаммад-афанди

Дуньяллуха кару зузи дуvara, къюкI зузи къадурну.

Хьинну бикIанссия, вай цавайннал лажиннарайсса чири, миннал къюкI ххяхьхуну бивкIссания.

Маз пасихIманал дур ца диял дакъашиву – къацI бацIан бан къашай.

Машгьуршиву – балари.

Дуньялул масала – ххютри, жува мунил хьирив бачирча жуятура лирхьун дачайсса, жува муния лихъларча жулла хьирив дачайсса.

Батлухраясса МухIаммад-афанди

СУАЛУ ВА ЖАВАБРУ

Зул суаллахъхъун жавабру дуллай бур жул аьлимтал

– Цал хлаж бувсса хьамитайпалун бучиссарив килчин цама инсаннахлу хлаж буван?

– Агар хьамитайпалул бан аьркинсса, яьни цихлувацца хлаж бувну бухьурча, муни бучиссар цама-нахлугу хлаж бан. Амма чара бакъа мунишал архла хлажлийн иклан аьркинссар лас ягу гьанчу (махрам). Цинма цуппалу ва вихшаласса хьаннишал хлажлийн гьан къабучиссар.

– Ттул члаххучу хьинну ччай ур хлажлив гьан, амма му хьинну угъара хьуну уну хлажлив гьанну акъар. Бучиссарив ттун гьан мунахлу хлажлив?

– Агана ина вихлувамур хлаж бувну бухьурча, вихь ихтияр дуссар цама инсаннахлу хлаж бан, анжагъ му къашавай уну ягу угъара хьуну хлажлив гьанну акъахурча. Му инсан клай клиц лавгсса цанни-ца саварайн бувну, бунияттунгу хлажлив гьанну акъашиву исват-мяйжан бан аьркинссар диндалул ххуллу-ххуттай цакъну бавцлусса кия хлакиннал.

– Киллсса иш бур Саьдулла Аьрабаву гужса килишиву диклайшиву, на хьинну гьухъа итайсса инсан ура. Хлаж буллаллини, гьухъал кьанкь къадикланшиврул, бучиссарив ттун аьтрилул кьанкь дан?

– Хлаж буллаллини къабучиссар я чурххаца, я янналуца аьтрилул кьанкь дуллан. Бучиссар хлажлив аьдату дайдишиннин ягу ми аьдату кьуртал хьуну мукъах дуван аьтрилул кьанкь. Амма миккугу анавар мабуккари, за киллнах цлхху – бусу бувара цукун хьинссар увкуну.

– Бучиссарив адаминан сунттул янна лахлан?

– Агана янналуву, материалдану 50 % ягу миннуяр чансса сунттул бутла бухьурча, бучиссар адаминан мукунсса материалданул лаххия лаххан.

Аганаки сунттулмур состав хьуюцалва процетраяр ххину бухьурча, хларамссар мукунмур лаххия.

– Хлаж буллаллиманан къабучисса, къадагъса затру цукунмири?

– Хлажлийманан къабучиссар 10 зат: чув-адаминан къабучиссар дурурхусса янна лахлан, бакл килч буллан; хьамитайпалун къабучиссар лажин ва бартка килч дуллан, киз аьгу буллан, чурххал базурдая чларарду дукълан, михьру къукълан, аьтрилул кьанкь дуллан, авлий буклан, магъар бихьлан ва лурзисса тлулу дуллан.

– Бусияра хлажлив ва чиви хлажлив чара бакъасса ттарцрону хьаннахьимунья: та, ци



члумалли хлажгу, чиви хлажгу щаллу къавхьуссаннун ккалли байсса?

– Хлажлив дуссар ряхра ттарцл (аркан):
1) хлаж бан цал архла хлажгу, чивимур хлажгу (умра) бансса ният;
2) Арафат зунттул бацлаву;
3) тавваф (Арийла Каьбалул лагма буккаву);
4) Са'ю (Сафа ва Марва зунттал дьних буккаву);
5) чиваркунул бакл чартл булаву;
6) клай ялув клиц ларгсса ттарцру куннил хьирив ку щаллу давриву низам дуруччаву.
Чиви хлажлив ххюра ттарцл:
1) чиви хлаж бан мурадрайсса ният;
2) тавваф (Арийла Каьбалул лагма буккаву);
3) бакру чартл баву;
4) клай ялув клиц ларгсса ттарцру куннил хьирив ку бардигъавриву низам дуруччаву.

– Бусияра хлажгу, чиви хлажгу та бан бучиссар?

– Хлаж бан бучиссар Шавваль, Зуль-къаьда зурдардийгу, Зуль-хиджалул урчлва гьантлийгу. Агар хлаж клай клиц лавгсса зурдардий къабувну, ливчми зурдардий бансса ният духьурча, му чиви хлаж хьаннахьиссар. Чиви хлаж (умра) бан ккаккан дурсса члун, барз бакъассар, читари барчагу дурусъссар.

– Агана лас ихтияр къадуллай ухьурча бучиссарив хьамитайпалун хлажлив гьан?

– Шариатрайн бувну, ласнах дур ихтияр шарса хлажлив гьан кьаритансса. Хлатта му цалчинсса, чарабакъа гьан аьркинсса хлажлив най духьурча-гума. Амма ласнах къахьинссар ва ишираву шарсаний къадагъа дихлахъаву. Хлаж хьаннахьиссар Исламрал рукнурдавасса цану, гьарца бусулманчунай, бусурманшарссаний хлаж бан бурж буссар. Агар лас цукунчлав рязи къахъанай ухьурча, хьамитайпалунгу гьайгу-дайгу хлажлив къалавгун къабикланна тлун къабучиссар, мукунсса ппурттуву хлаж хьиривми шиннардий бан бивтун хьинссар, хлатта хлажлив гьансса каши хьамитайпалул духьурчагума.

– На хлажлив гьан чхисса инсан ура, амма ттул нину-ппу ихтияр дуллай бакъар ттухъхъун

хлажлив гьан. На ва ишираву ци кьел дуван аьркинссар?

– Ина адаминан инсан ухьурча, вин бучиссар виламур бацан буллан, так хлаж цалчинсса бухьурча. Агар ина вихлувамур хлаж бувну килчингу хлажлив гьан къастирай ухьурча, нитти-буттал тлимуницлун акьин аьркинссара. Бан ялувсса хлаж бан къадагъа дуллай бухьурчагума нину-ппу, миннал хлурмат бувну хьиривсса шиннардий бан битан бучиссар хлаж.

Агана ина хьамитайпа бухьурча, вихь дакъассар ихтияр ласнахъ ягу нитти-буттахъ къацулвххуну, ми къарзийину хлаж бувансса.

ДАГЕСТАНСКИЙ ИСЛАМСКИЙ УНИВЕРСИТЕТ имени шейха Мухаммада-Ариффа и МЕДРЕСЕ имени шейха Мухаммада-Ариффа

объявляют дополнительный прием абитуриентов на 2008/09 учебный год.

В Дагестанский Исламский Университет принимаются юноши и девушки, имеющие среднее (полное) общее образование (11 кл.), в Медресе – основное общее образование (9 кл.).

Поступающие проходят следующие испытания:

1. Русский язык (диктант).
2. Комплексное собеседование.

Перечень документов, необходимых для поступления в Университет:

- Аттестат о среднем (полном) общем образовании.
- Копия паспорта.
- Фотокарточка (3x4) – 5 шт.
- Медицинская справка (форма Ф086).
- Прививочный сертификат (форма Ф156/у-93).
- Рекомендация от имама мечети или руководителя религиозной организации по месту жительства абитуриента.

Для поступления в Медресе:

- Документ об основном общем образовании (9 кл.) + копия.
- Копия паспорта – 2 шт.
- Фотокарточка (3x4) – 5 шт.
- Медицинская справка (форма Ф086).
- Прививочный сертификат (форма Ф156/у-93).
- Рекомендация от имама мечети или руководителя религиозной организации по месту жительства абитуриента.

Прием документов с 01 по 16 августа 2008 г.

Экзамены – с 18 августа.

Обращаться по адресу: РД, г. Махачкала, ул. Дахадаева, 136 (район Центральной Джума-мечети), тел.: (8722) 67-55-08.

На все воля Аллаха ﷻ, и к Нему мы все будем возвращены. Коллектив Духовного управления мусульман Дагестана и редакция газеты «Ас-Салам» выражают глубокое соболезнование муфтию Дагестана Ахмаду-хаджи Абдулаеву в связи с кончиной двоюродной сестры Патимат. Да смилуется над ней Аллах ﷻ и сделает ее обительницей рая! Амин.

На все воля Аллаха ﷻ, и к Нему мы все будем возвращены. Коллектив Духовного управления мусульман Дагестана и редакция газеты «Ас-Салам» выражают глубокое соболезнование заместителю муфтия Дагестана Ахмаду-хаджи Магомедову в связи с кончиной сестры Патимат. Да смилуется над ней Аллах ﷻ и сделает ее обительницей рая! Амин.

На все воля Аллаха ﷻ, и к Нему мы все будем возвращены. Коллектив Духовного управления мусульман Дагестана и редакция газеты «Ас-Салам» выражают глубокое соболезнование редактору аварского издания газеты «Ас-Салам» Яхье-хаджи Магомедову в связи с кончиной матери. Да смилуется над ней Аллах ﷻ и сделает ее обительницей рая! Амин.

Рузнама

АВГУСТ

дни	утрен.	восх.	обе-денный	после-обед.	ве-черный	ноч-ной
1	3.37	5.38	12.55	16.52	20.14	21.58
2	3.39	5.40	12.55	16.52	20.13	21.56
4	3.43	5.41	12.55	16.51	20.10	21.53
6	3.47	5.44	12.55	16.50	20.07	21.50
8	3.50	5.46	12.55	16.50	20.05	21.47
10	3.52	5.48	12.54	16.48	20.03	21.42
12	3.55	5.51	12.54	16.47	20.00	21.39
14	3.58	5.53	12.54	16.46	19.58	21.35
16	4.01	5.55	12.52	16.44	19.55	21.30
18	4.05	5.58	12.53	16.43	19.52	21.27
20	4.08	6.00	12.52	16.41	19.48	21.22
22	4.12	6.02	12.52	16.40	19.45	21.18
24	4.14	6.04	12.51	16.38	19.43	21.15
26	4.18	6.07	12.51	16.36	19.39	21.11
28	4.21	6.09	12.50	16.34	19.36	21.06
30	4.25	6.11	12.50	16.33	19.33	21.02

Зунттал районнай чак байссар 15 минутрал члалну.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАЙЛОВ

Редактор

Самрат ГОРЧАНОВА

Канонический редактор
Сиражуддин КУРБАНОВ

Корреспонденты
Гумаюн КАЛЛАЕВА
Сафия БАКРИЕВА

Корректор
Патимат АХМАДХАНОВА

Менеджер
Мухаммад ХИРИЯСУЛАЕВ

Компьютерная группа

Асият ХАНОВА
Ахмед МАГОМЕДОВ
Гульнора АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)

Свидетельство о регистрации

ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ № _____

Сдано в печать 22 июня 2008 г.

Тираж 1700 экз.

Адрес редакции

367015, РД, г. Махачкала, пр-т М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: info@assalam.ru;

www.assalam.ru